

Узун орзулар бизни алдаб қўймасин!



16:00 / 02.08.2021 2440

«Роббингиздан бўлган мағфиратга ва кенглиги осмонлару ерча бўлган, тақводорлар учун тайёрлаб қўйилган жаннатга шошилинг».
(Оли Имрон сураси 133-оят).

Шошилинг! Чунки ўлим кутиб ўтирмайди.

Эртага тавба қиламан...

Эртага намоз ўқишни бошлайман...

Эртага парҳезни бошлайман...

Эртага

Эрта албатта келади, аммо биз ҳеч нарсани амалга оширмаган бўламиз. Орзуларимиз узунлиги сабабли ўлимни ўзимиздан узоқда деб ўйлаймиз.

Интернетда анча олдин Али Банат исмли саратонга учраган бой йигитнинг ўлими аниқ бўлганидан сўнг бойликларини фақирларга тарқатиб бергани ҳақида хабарлар тарқалган эди. У нега бундай қилди?

Чунки у ўлимни кўра олди. Ўлимга боғлана олди. Биз нега ундай қила олмаймиз? Чунки биз ўлимни кўра олмаймиз. Ўлим билан бизнинг орамизда парда бор. Узун орзулар бизни алдаб бораверади.

Яқинда вафот этганлар ҳам ҳали ўлмаймиз деб ўйлашган эди. Аммо ўлишди.

Шошилинг!

Чунки бир лаҳза кечикиш бутун умрли фойдани қўлдан чиқишига сабаб бўлиши мумкин.

Сунабиҳий айтади:

«Ямандан Расулуллоҳ соллаллоҳу алайҳи васаллам билан учрашиш мақсадида Мадинага келдик. У зотнинг вафот қилганларига атига беш кун бўлган экан».

Беш кунлик кечикиш уларни саҳобалик бахтидан маҳрум қилди. Шундай экан, шошилайлик. Кечикиш бизни кўп нарсадан маҳрум қилиши тайин!

Абдулқодир Полвонов тайёрлади